



A
Es 5
1693

ÆSOPI,

ET ALIORUM

FABULÆ,

LATINIUS,

QUAM ANTE HAC
expressæ.

NUNC DENUO AB OMNIBUS
mendis vindicatæ.

HISPALI:

Typis Joannis de la Puerta, in
Vico de las Siete Revueltas.

16231

16231

МАИА ТН

ЕРЛУДАН

СУНІТАН

САН ВІДЛАМАУ

ВІДЛОГА СУНІДАН

САН ВІДЛАМАУ

ЕРЛУДАН

САН ВІДЛАМАУ

CENSURA DE EL M. R. P. M.
Antonio de Zelada, de la Compañía
de Jesus.

EN virtud de comission , que se me ha dado , he leido , lo que en este pequeño volumen se contiene , y no he hallado cosa , que disuene à nuestra Santa Fé , y Christianas costumbres ; antes es mui util para los principiantes en la Grammatica , y contiene muchos documétos morales para su buena education. Assi lo juzgo en este Colegio de San Hermenegildo de la Compañía de Jesus de Sevilla en 22. de Julio de 1693.

Antonio de Zelada,

*BIBLIOTHECA
JUNIORUM*

Ae

LL

LICENCIA.

Don Pedro de Larreategui y Colon,
Caballero del Orden de Alcan-
tara , de el Consejo de su Magestad , y
su Oidor en la Real Audiencia de esta
Ciudad de Sevilla , Juez Superintendente
de las Imprentas, y Librerias de ella , y su
Reinado,&c. Por la presente doi licencia,
para que se pueda reimprimir , y reim-
prima por una vez un Libro , que su ti-
lo es : *Fabulas de Ijopo, en Latin* , que antes
de ahora ha sido impresso con los despa-
chos necessarios en el año de mil seis-
cientos y ochenta y dos : atento à no con-
tener cosa , que se oponga à nuestra Santa
Fé Catholica, y buenas costumbres , sobre
que en virtud de comission mia dió su
Censura en este dia el R. P. Antonio de
Zelada , de la Compañia de JESUS , la
qual con esta Licencia se ha de imprimir


al

al principio de cada Libro. Y mando,
que antes que sea sacada de la Imprenta
la dicha impression , que se hiciere , se
corrija por su Original ; y fecho se traiga
à poder del presente Escribano , para que
los ponga con los demás papeles de di-
cha comission , y lo cumplan assi. Fecho
en Sevilla en 22. de Julio de 1693. años.

*D. Pedro de Larreategui
y Colon.*

Por mand. del Sr. Oidor.

Juan Francisco Carrera.



LICENCIA DEL Sr. JUEZ.

Tiene licencia Joseph Padrino , para
poder reimprimir este Libro.

Imprimase.

Barreda.

JACOBI GIRONII , HUMANARUM
literarum quondam apud Hispalenses
Doctoris carmen ad Pueros.

Quæ Pueros absens terreret , visa fugaret;
Creditur Æsopi forma fuisse Phrygis.
Prisca fides fusca hunc facie, labroque tumenti
Deformem , & sima nare fuisse canit.
Quemque breves oculi, pes longus, venter obesus
Turparint, tardo blesaque verba sono.
Este animo integro, Pueri, vanumque timorem
Pellite, iam vestri causa timoris abest.
Phryx olim informis Romana, en, versus in orā
Pulchrior exurgens, & redivivus, adest.
In nova nec mirum est mutari corpora formas:
Accipit ecce novam fabula prisca fidem.
Fronte redit, cultuque nitens, linguaque disertus,
Frons, lingua, & cultus cui peregrinus erat.
Virtutis vestræ custos, placidusque satelles
Sic erit, & Latiae duxque, comesque viæ.
Instruit hic mentem, linguam hic sermone figurat:
Obsenoque aures torquet ab eloquio.
Excipite hunc igitur plaudentes, cujus ab ore
Effuet in vestros dia Suada animos.

FABULÆ

ÆSOPICÆ.

AQUILA, ET VULPES.



NIIT quodam tempore societatem Aquila cum Vulpe, quæ ut usu familiaritatis confirmaretur, etiam nidos illis vicinos habere visum. Et Aquila quidem suum in arbore fixit procula : at Vulpes propinquas arbusculas occupavit. Accidit forté, ut parvulis suis relictis domi, Vulpes ad quærendum pastum exiret : Aquila autem, quia eo die non fuisset præda oblata, esuriens unā cum pullis suis, arreptos Catulos necessariæ Vulpis in suum nidum deportat, & illis se, ac suos exaturat. Reversa paulo post Vulpes, ubi rem gestam cognovit, incredibili dolore affectus fuit : cùmque suorum interitum ferret iniquissimè, tūm hoc illam excruciat, & ita despiciat se ab Aquila, & virdicandæ tantæ injuria nullam sibi viam apertam esse. Facile enim intelligebat celeritate illam, atque viribus longe præstare. Fecit igitur quod concedebatur, ut obsequetur animo suo, & prope arborem assistens, maledictis,

ledictis , & convitiis , non magis iam necessariam suam , sed hostem capitalem insectata , Deos ad tam indigni facinoris ultionem advocavit. Aquila desuper hæc ridere , & illam contemnere. Non diū autem post hæc , cùm fortè eo in loco feriæ essent rusticæ , & exta maestati pecoris adolescentur , advolavit Aquila , ut consueverat , ad exta , quæ dum rapit , adhæsit de favilla , & carbonibus aliquid , quo in nidum unā cum illis delato , & fortè vento exorto , materia , qua nidus congestus fuerat , flamma concepta exarsit : cùmque illa incendio dissiparetur , delapsi sunt & Pulli Aquilæ in terram semiusti , quos tunc Vulpes , inspectante Aquila , in sua dumeta auferens , in magna lætitia vindictæ devoravit.

Fabula hæc docet, perfidos , & sceleratos , quamvis injurias , & vim potentia sua aliquantis per defendant , Numinis tamen animadversionem , & vindic tam evadere non solere .

SCARABÆUS , ET AQUILA.

Lepus , quem Aquila insequeretur , ad Scarabæi tutelam configuit , & illius auxilium imploravit. Scarabæus petit ab Aquila , ut parcat supplici , perque summum Jovem obstentatur , ne despiciat tenuitatem suam. At illa , profligato Scarabæo , raptum Leporem devorat. Quam avolantem insectatur Scarabæus , ut cognosceret , quo illa loco nidificaret , ac mox occasionem

nactus , de nido Aquilæ omnia ova , quæ inerant , devolvit per petrarum præcipitia. Aquila , re comperta , authori doloris sui valdè irata , nidum extruit in multō magis arduis rupibus , & in illo parit ova , sed simili eventu . Tum inops consilii ad Jovem advolat , cujus propria avis esse perhibetur , & tertiam fœturam in illius gremio depo- nit , orans , atque obsecrans , ut turam præstaret . At Scarabæus globulum sterquilinii eodem deicxit . Quem excussurus Jupiter laxata veste , ova Aquilæ effundit , quæ inficta pavimento , secundūm Homerum , æreo , facile comminuuntur . Cūm autem de Scarabæo intellexisset , quod ab Aquila factam injuriam sibi hac voluisse ratione vindicare , quod statueret , non solum Scarabæum , sed etiam suum numen ab Aquila læsum , atque violatum esse , reversam illam graviter objurgavit , & indicavit ei authorem malorum , quæ passa esset . Cūm tamen genus Aquilarum funditus interire nollet , Scarabæum ad gratiam cum Aquila reconciliandam adducere tentat , quo vehementer refragante , Aquilæ tum partum transtu- lit ex eo tempore in aliud , quo Scarabæi non aparent .

*Monemur bac fabula , ne quem facilé contemna-
mus , utque cogitemus , neminem esse tem-
peratulum , & humilem , qui non suæ
quam occasionem inveni*

LUSCINIA, ET ACCIPITER.

Cantantem, ut consueverat, ab arbore procerâ Lusciniam rapuit esuriens Accipiter. Quæ cùm intelligeret, sibi mortem impendere, ad preces conversa, orat Accipitrem, ne se perdat sine causa. Non enim suam exilitatem avidissimum ventrem illius posse explere; itaque suadere cœpit, ut grandiores alias volucres venaretur. Cui Accipiter, insanirem, inquit, si captam prædam amittere, & sequi vellem ea, quæ nusquam apparent.

Intelligendum, similiter & homines incogitantes quosdam reperiri, qui spe majorum præsentem copiam despiciant, atque negligant.

VULPES, ET HIRCUS.

SIti correpti Hircus, & Vulpes in profundum puteum desilierunt: cùmque illam sedavis-
sent, Hircus cœpit circumspicere, & querere,
quâ de aquis evadere in terram posset? Cui Vul-
pes, bonum, inquit, animum habe, nam mihi
consilium subiit, quo usi servari possimus an-
bo. Si enim te in posteriores pedes erigens, prio-
res parieti isti applicueris, caput altè, cornua
ut oblique reclinentur, extuleris: tunc ego de-
tergo tuò in longe tendere, atque deinde exilire
deputo. Nam etiam attrahere facile potes-
tis, cum attrahere facili potest.
Hinc ratus esse diceret,
casit de puteo Vul-
pes,

CROCODILUS, ET VULPES.

Crocodilus Ægyptiacum est animal, tkeſſum aspectu, atque monstruosum, specie Lacer-
tæ, cute rugis, & squammis horrida, vastum, at-
que informe. Inter hunc, & Vulpem quodam tem-
pore certamen de generis nobilitate extitisse
narrant. Cùm autem Crocodilus & majorum
ſuorum multa præclara facinora, & à ſe fortiter
res gestas prædicatione ſua extolleret, respon-
dit Vulpes: Nihil opus eſſe verbis, nam de pelle
apparere omnia.

*Hæc fabula innuit, mendaces ipsa reſolere coar-
gui, & refutari.*

GALLINÆ, ET PERDIX.

QUI delectabatur alendis Gallinis, allatam ſibi
fortè Perdicem addidit ad cohortem illa-
rum. Quæ cùm misera morsibus impete-
rent, & ab eſca repellerent, singulari illa dolore
animi afficiebatur, quòd ſibi hoc, quæ aliena eſ-
ſet, eoque illis nomine invisa, accidere putaret.
Paulo poſt videt, ipsas quoque illas ſe mutuō con-
cindere. Tum ſe consolata: Si inter ſe, inquit, iſtæ
iñimicitias gerunt, neque parcunt ſibi, ferenda ſci-
licet & mihi æquo animo fortuna mea.

*Hæc fabula ſibi vult, prudentibus magno eſſe ſo-
latio conſiderationem communis fortis, & conditio-
nis, cum animadverturn neminem eſſe, cui non ma-
la, & adverſa plurima obijſiantur.*

VUL-

VULPES, ET STATUA.

IN Statuarii officinam irreperserat Vulpecula; ac contemplando diversi generis, & variæ formæ effigies, magnam voluptatem capiebat; inter omnes tamen una muliebris corporis Statua in primis illam delectabat, ad quam & accedere, & sermonem instituere, & blandissimè alludere. Sed Statua immobili persistente, Vulpes indignata: Quam formosa, inquit, facies cerebro caret!

Notantur bac fabula splendidi, & conspicui cùm corpore, tum fortunis, sed stolidi, & vecordes.

CARBONARIUS, ET FULLO.

Conduxerat perquam spatiosas ædes Carbonarius: itaque invitat Fullonem habitantem angustius, ad se uti commigret. Negavit Fullo sibi hoc faciendum, neque fieri omnino oportere. Quid enim nobis commercii, inquit, inter nos esse possit, cùm, quæ ego forte eluendo nitida redidisse, ea tu fuligine, & maculis repleres?

Docet fabula, dissimilia non recte conjungi. Itaque dicitur & proverbio veteri: Pares cum paribus, facile congregari.

PISCATORES, ET SAXUM.

DUM extrahunt nassam de aquis Piscatores, gravissimum pondus esse illius sentiunt.

Qua-

Quare lætitia exultare, & fœlici eventu immo-
dicé gaudere, quód opera præclaré posita vide-
retur: sed nassa subducta in terram, conspican-
tur ingens saxum, quo illa depresso fuerat. Ergo
mutatis animis contristati, atque moerere, ne-
que minus doloris capere ob falsitatem opinio-
nis, & ludibrium Fortunæ, quám ob incommodum
suum. Tum unus inter eos senior objurgare eos,
& dicere: Non nimius indigné ferendum casum
illum, quód consanguineam habere gaudium vi-
deretur tristitiam. Itaque vix aliter potuisse fieri,
quám ut illius tanto complexu etiam hanc assu-
merent.



*Utrumque fabula monet, non prius latandum,
quam explorata fortuna, neque tamen tristiores
exitus non etiam moderatius ferendos esse.*



GLORIATOR.

REversus in patriam quidam suam, unde ali-
quot annos abfuerat, in omnibus cœtibus
gloriabatur, & jactabat sermone præclara faci-
nora sua, atque se in insula Rhodo saltando sig-
num fixisse, quod nemo omnium, qui adessent,
assequi potuisset. Hujus se habere testes universos
Rhodienses, aiebat. Tum unus de circulo: Heus
tu, inquit, si vera prædicas, hoc esse loco Rhodium
puta, & hic saltum istum edito.

*Fabula hoc subdit, vanam esse orationem omnem,
qua rebus deficiatur.*

PAUPER VOVENS.

Agrobat Pauper, & in morbi gravissimo periculo, cum a Medicis desperasset, ad opem Deorum confugit, quibus se, si convalesset, centum Tauros immolaturum esse promisit. Hæc uxor illius, ut propè stabat, cum audisset: Unde, mi vir, tantum, inquit, numerum Taurorum parare possis, si voti convictus sis? At ille: Quid tu, censes ne, inquit, stulta, Cœlo descensurum, qui illud sacrificium fieri postulet, si ego sanitatem recuperavero?

Narratur fabula & in hunc modum.

CUM multi una in navi veherentur, orta tempestate horribili, unus cæteris formidolosior, quasi desperato omni auxilio humano, Deos invocare, & illis vota pro salute sua nuncupare, interque alia promittere, se consecraturum de cera lampadem tantam, & tam ponderosam, ut malo navis æquaretur. Eo forte, qui juxta illum assidebat, auditio, cum sciret, mediocres esse, vel etiam infra mediocritatem, facultates hominis, admonere voti magnitudinis, quod non videretur exolvere ille posse. Qui huic responderit: Si navis modo servata, & in portum delata esset, se facile Diis satisfacturum, quos consideret, postea uno numulo empto cereo, contentos futuros.

Sig.

Significatur, esse multos in pollicendo faciles, qui etiam promittere ea soleant, quæ non valent, neque cogitant facere.

APOLLINIS TENTATOR.

TEntaturus Apollinem Deorum quidam cōtemptor, & callidus per Sacerdotem fatidicam illius, in templum venit Dei, ubi omnia pro ritu superstitionis illius apparata essent; occultatum manu sua passerculum cōtinens, cumque ante cortinam, quam Græci vocarunt Tri-poda, astitisset, sciscitatus est: Viveretnē, an mortuum esset, quidquid in manu teneret? Ratus, se facilē in utramque partem datum responsum refutaturum esse. Tum Vates de Numinis instinctu hæc fertur cecinisse.

Quidquid adest tectū, tua quod nunc dextera celat;
Vel vivit, vel jam moritur: nos trique videbunt;
Alterutrum in prolatu oculi, sed te penes hujus
Arbitriū facti est, & ad hoc mens nostra recurrit.
Discendum hinc est, in rebus Divinis maximē, sed
& erga sapientes, non ferē quidquam valere frau-des,
& astutias improborum.

PISCATORES.

CUm Piscatores diū, multumq[ue] defatigati,
Con nihil capere potuissent, tædio tandem affesti perdita opera, tristes domum redire parant. Tum de impr oviso Thynnus à reliquis

piscibus agitatus saltu in navigium illorum se dedit, quo potiti, cum præda, & lætitia abiére.

Indicat fabula, sepé numeró forté fortuna obvenire ea, quæ nulla arte, ac ratione parari potuerint.

FRAUDULENTUS.

PERICULOSÉ ægrotans Pauper, vovit centum se Bobus rem divinam Diis facturum esse, si convaluiisset. Dii illum, fide habita, sanitati pristinae restituerunt. At ipse confirmatus, panuceos Bobes centum finxit, & Diis immolavit. Quam rem, cum indigné tulissent Dii, exacturi poenas perfidiæ, immisère illi somnium, quo juberetur in certo loco littoris terram effodere; quod ipse inventurus esset mille Atticas minas. Quó cum exercefactus cupidé perrexisset, & aurum quæreret, captus à pyratis fuit. At ille similiter, ut Deos antea, & hos fallere tentans, pollicetur pro suo corpore talenta mille, immanem pecuniæ summam. Sed cum illi huic nimé crederent, abductus, & mille denariis venundatus fuit.

Fabula docet, mendacia, mendacesque homines Diis esse invisos.

R A N Æ.

TINCOLEBANT Ranunculi duo paludem, qua Syderis calor e, ut æstate fieri solet, exsiccata, relicta sedibus illis, pergebant quæsitum alias.

Cum

Cumque venissent ad profundum putoem: Hic, inquit unus, commode manebimus, neque facile alium locum meliorem invenire poterimus. Cui respondet alter: Placere & sibi locum, sed arbitrari se, prius quam illo desilirent, considerandum, si quo casu & illæ aquæ recessissent, qua ratione de putoeo redituri essent.

Docemur hac fabula, nihil esse omnium rerum imprudenter aggrediendum; sed, ut dici solet, in principii capite, quasi pedes finis contemplari unum quemque debere.

SENEX, ET MORS.

Cæciderat ligna in sylva Senex, quorum fascie sublato, domum redire cœpit. Progressus autem multum sanè viæ, cum defatigatus esset, & onere, & itinere, deposito lignatu, acquiescens, considerare ipse secum atatis, inopiae, solitudinis miserias, & clara voce invocare Mortem, cuius auxilio facilé liberari se ab omnibus malis posse, diceret. Tum Mors exauditis precibus illius coram assistens, quid velit, percontatur. At Senex territus, & quem jam Mortis pigeret, Nihil enim, inquit, sed requiro aliquem, qui onus paululum allevet, dum ego rursus subeo.

Docet fabula, ad presentiam Mortis omnes refusare, neque quidquam esse tanti doloris, aut cruciatus, quod vita dulcedinem diluere possit.

ANUS, ET MEDICUS.

Aborans Anus ex oculis, accessit Medicum, mercedemque pactam, ut sanitate recepta, demum persolveret, convenit. Medicus orsus curationem, quotidie collyrio oculos perluebat, & Aniculam in lectulo cum inunxit, in tenebris jacentem relinquebat, asportans ipse secum, quidquid forte reperisset supellestis, sive vasculum, seu vestimentum mulieris. Quae cum animadverteret, se spoliari, & jam recuperato visu cerneret, vacuam reliquam domum sibi, postquam accessit Medicus mercedem postulans promissam (nam & esse illam sanam; & se judicium nullorum, quibus notus fuisset morbus ipsius, defugere ajebat) non est ita, inquit, Medice: Nam prius, quam tuæ artis fortunam subirem, conspicabar passim copiosam domi meæ supellestilem: nunc vero sana, ut ait, nihil prorsus video.

Significatur hac fabula, improbos, & veteratores ipsos nonnumquam suis dolis implicari, & laedi.

RUSTICUS, ET FILII.

Rusticus vicus morti, cum relinquere filii suis divitias non posset, voluit excitare animos illorum ad studium diligentis culturæ, & in opere faciendo assiduitatem. Accersit igitur illos ad se, atque ita loquitur: Mei filii, quo-

in loco res meæ sint, videtis: Vobis autem, quid potui in mea vita comparavi; idque totum in vinea nostra querere poteritis. Hæc cùm dixisset, paulò post moritur Senex. At Filii, quod crederent, in vinea illum thesaurum alii cubi abscondisse, arreptis ligonibus, solum universum effodiunt, ac thesaurum quidem inventare nullum: terra autem fodiendo percutta, vites uberrimum fructum tulére.

Docet fabula, labores & operas sumas divitias esse.

HERUS, ET CANES.

IN prædio sub urbe quidam tempestate inclusus, primum Ovibus mactatis vitam sustentavit, mox durante illa, ne a Bobus quidem aratoribus abstinuit. Quæ cum Canes fieri viderent, consilium inter se aufugiendi illinc inierunt, quod non sperare posse viderentur, ibi locorum securos futuros, ubi Bobus aratoribus non parceretur.

Monet fabula, illos fugiēdos in primis, apud quos ne domesti quidē, & necessarii in tuto esse videātur.

MULIER, ET GALLINA.

Mulier vidua Gallinam habebat. Quæ si gulis diebus ovum unum pariebat, quæ si curaret diligentius, & saginaret Gallinam, sperandum esse existimabat, ut bina, aut terna illa quotidie ova pareret. Cùm autem cibo suum perfluo opima Gallina, & pinguis facta esset, plane tunc parere ova desit.

Ostendit fabula, cupiditatem, & avaritiam sœpe
detrimentoſam eſſe.

VULNERATUS A CANE.

Quem Canis momorderat, circumiens Me-
dicum quærebatur. Cui notus quidam ob-
viam factus, cognita re, suasit, ut in pa-
nem recentem exprimeret cruentum, & saniem
vulneris, atque comedendum hunc abjiceret
Cani, à quo Iesus eſſet: id enim salutare ipſi fu-
turum eſſe. Tum saucius cum rifiu, Hoc reme-
dio, inquit, ego ſcilicet in me omnium, qui in
orbe ſunt, Canum morsus irritavero.

*Docet fabula, nullo beneficio pravos ab injurijs
deduci, atque pterumque reddi benignitate aliorum
deteriores.*

ADOLESCENTES, ET COCUS.

CUM fortè prope Cocum Adolescentes
duo versuti, atque furaces affediffent, oc-
cupato Coco rebus suis, unus horum rapuit
frustum carnis, & alteri tradidit, qui demisit in-
ſinum. Cocus postquam ad carnes respexit, &
abesse aliquid feniſit, qui ſciret adfuſſe præter
duos iſtos neminem, repetere ab illis amissum
frustum coepit. At is, qui de altero acceperat,
dejerat, ſe non abſtuliffe, qui vero ipſe fustule-
zat, penes ſe non eſſe. Cocus, intelligere impro-
bos eſſe, & veteratores; et mihi quidem, inquit,
quid factum fit ignaro, verba dare potestis.
Deum autem profecto non falletis.

Deterret fabula à fallacia, & fraude sermonis, & perjurio: nihil enim horum non manifestum Deo est, quamvis fortè hominum animadversionem effugiat.

FELIS, ET MURES.

IN domo quadam, magna copia murium diversabatur. Hoc Felis cum comperisset, condem se contulit, & venatione, atque cæptura Musculturum bené aliquantis per vicitavit. Cūm autem Mures animadverterent, suum numerum quotidie fieri minorem, & quod à Felice consumerentur, statuerunt, se intra suas cavernulas, & iis in locis continere, in quæ pervenire illa non posset. Felis cūm Mures non magis, ut soliti fuerant, procurrere videret, statuit fraude elicere, seque, quasi mortua esset, de clavo quodam suspendit. Quam conspicatus forte desuper Musculus, Heus tu, inquit, si te in sacculum conversam esse sciam, numquam tamen commissurus sim, ut ad te proprius accedam.

Docet fabula, prudentes non pati sese iterum in proborum dolis falli, ubi illorum fraudes semel fuerint experti.

THYNNUS, ET DELPHINUS.

Thynnus, Delphinum persequentem fugiens, cūm incitatissimo ferretur impetu, fluctibus ad insulam appulsus, in illam unā cum Delphino ejicitur. Ibi Thynnus conversus, & Delphinum conspicatus vita defici, non sibi jam magis suam mortem tristem futuram esse.

ajebat, qui cerneret authorem illius unà secum
interitum.

*Hec fabula demonstrat, æquiori animo suas mi-
serias ferre homines solere, si illarum authores iis-
dem irretiri intelligant.*

MEDICUS, ET ÆGROTUS.

DUcebatur funus: hoc Medicus, cuius ope-
ra in morbo usus fuerat mortuus, comi-
tabatur. Atque ibi cum aliis, qui funus prose-
quebantur, multa verba faceret, si vino absti-
nuisset iste, inquit, ac celeriter alvus fuisset hu-
midior facta, ut purgaretur, poterat convales-
cere. Tunc de amicis unus, Hæc, inquit, qua
lingua nunc dicis, cùm occasione amissa, frus-
tra memorantur? Quo tempore verò recté, ac
utiliter fuissent dicta, eo reticuisti.

*Monet fabula, necessario tempore sucurrendum
laborantibus.*

AUCEPS, ET ANGUIS.

EXiit ad aucupium cum visco quidam, &
arundinibus, ac Turdum fortè in alta ar-
bore sedentem conspicatus, intendere, atque
construere calamos, & viscum allinere coepit,
defixis in Turdo oculis, atque spe sua. Inter hæc
miser Anguem latentem in herba calcat; a quo
irritato ictus, & lethali accepto vulnere, jam
moriens, Me miserum, inquit, qui dum alteri
insidias struo, ego circumventus, & captus pe-
geo.

Docet.

Docet fabula, eos, qui alii malé consulere studiant, sibi interdum primis malum acverjere.

CANIS, ET COCUS.

CAnis in culinam intrgressus, occupato Coco, neque anima inadvertente, coreulum pecudis rapuit, & aufugit. Quem his verbis Coeus fertur esse prosecutus: Age, nunc hoc abstuleris impuné. Sic tamen habeto, te posthac ubicumque conspectus sis, cautiús a me observatum iri: nec enim cor abstulisti a me, sed cor mihi attribuisti.

Id fabula docet, rebus adversis intelligentiam excitari.

CANIS, ET LUPUS.

Iacebat fortè ad stabulum dormiens Canis, quem oppressum, dilaniaturus Lupus, mitigatur commoditate orationis, & blanditiis promissorum. Vides enim, inquit Canis, quam hoc tempore extabuerit macie corpus meum: nam non diu est, cùm gravissimo morbo liberari cœpi. Et propé est tempus dictum nuptiis herilis filii: tunc ego sagina nitorem pristinum facile recuperavero, ut postea lauté de me epulatus esse videare. His verbis Lupo persuasit, ut in præsentia se dimitteret. Post dies aliquot reversus ad idem stabulum Lupus, videt Canem sub tecto domus jacentem placidé acquiescere, quem ad se descendere jubet, & facere promissa. At Canis illum deridens, Ego tibi, inquit,

Eupe, consilium dare volo: Ne si posthac una
quam me ante stabulum sōpitum deprehende-
ris, ullaſ magis nuptias expectes.

*Indicat fabula, homines sapientes, si qua fortē in re
offenderint, aut periculum adierint, non committē-
re, ut se eidem iterum discrimini committant.*

CANIS, ET GALLUS.

Canis, & Gallus, societate inita, unā iter fa-
ciebant. Noctu in agro deprehensi, cum
tenebræ viam obscurarent, sic acquiescendum
statuēre, ut Gallus in arboris ramis insideret; in-
feriūs autem in cavum truncum irrepereret Ca-
nis. Cantante autem suo more Gallo, excitata
Vulpecula accurrit, atque illum hortatur, ut
descendat: cupere enim sese complectī avem
tam grata, & suavi voce præditam. Cui respon-
dit Gallus: janitorem, qui fores pandat, priūs
fūscitandum esse, quām ipse descendere possit.
Stulta Vulpecula, non prævisa fraude, ad arbo-
rem accedit propriūs, & janitorem quanto potest
altissimo gannitu ciet: ergo Canis expperectus
subito in Vulpeculam insilit, & correptam
dilaniat.

*Docet fabula, vim, & injurias inimicorum, qui-
bus ipsi pares esse non valemus, ad alios potentiores
calliditate consilii avertendas esse.*

LEO, ET RANA.

LEO, auditis Ranæ clamoribus, quos illa to-
to rictu cedebat quām maximos, primū
per-

percelli animo valde cœpit, quod crederet, ingentem animantem esse authorem tanti clamoris. Animo tamen confirmato, circumspicere, & contra illum clamatorem, quisquis esset, sese parare, & ad pugnam accingere. Cūm videt prorrepentem Ranam de propinquo lacu: ibi Leo simul indignatione, simul etiam pudore affectus, pede illam conculcatam attrivit.

Docet fabula, non esse ad quemlibet strepitum expavescendum, neque nos, inexplorata re, terreri oportere.

LEO, ASINUS, ET VULPES.

AMicitiam quodam tempore junxeré inter se Leo, Asinus, & Vulpes; atque ita communiter venatum exiérē. Copiosa autem prædā parta, jubet Asinum Leo illam dividere: qui simpliciter in tres æquales partes distribuens, forte putabat, decerni oportere, quam quisque deberet sumere. Ob hæc Leo ira commotus, in Asinum irruit, & dilacerat, atque devorat miserum. Tum Vulpem dividere jubet. At illa in unum acerbum congestis universis, sibi exemit parvulam portiunculam, atque hanc justam divisionem esse dixit, ut Leoni, cuius non solum auspiciis, sed etiam laboribus omnia essent quæsita, plurima extra quidem sortem cederent. Cui Leo, Quis te, inquit, optima Vulpecula, tam scitè partiri docuit? Asini, respondit Vulpes, mi Leo fortissime, Asini socii nostri casus.

*Docet fabula, solere aliorum calamitate, & malis
prudentiores neddii homines.*

LEO, ET URSVS.

CVm in Hinnulum forté fortuna unum eos
dem tempore Leo, & Vrsus incidissent,
interque illo potiri volens, acerrimè secum con-
flictri cœperunt; atque ita unus affixit alte-
rum, ut oborta vertigine ambo in terra pro-
strati jacerent. Vulpecula autem, quæ eventum
pugnæ expectasset, cum videret, illos esse viribus
defectos, & Hinnulum relictum in medio, ipsum
illis semiapertis oculis intuentibus, abstraxit.
Quod cùm illi prohibere non possent, Infœlices
nos igitur, intercidentibus verbis, inquiunt,
Vulpeculæ causa dimicando perimus.

Sepé de aliorum laboribus fructum alii percipiunt.
DIVINATOR.

DIvinator in foro respondebat consulenti-
bus: cùm subitó nuntius illi advenit pa-
tere fores domus ipsius, neque intus quidquam
reliquum, sed omnem supellestilem esse direp-
tam. Quo perculsus animo ille exiliit, & curri-
culo ad ædes suas contendit. Hunc conspicatus
festinantem quidam, Heu tu, inquit, cùm alien-
arum rerum prædictiones profitebaris, cur
tuas negligebas?

*Notantur hac fabula ii, qui, cùm ipsi perperam
vivant, aliena omnia curare, & corrigere orationes
sua non dubitant.*

FOR-

FORMICA, ET COLVMBA.

Formica sitiens, in fonticulum se demiserat; sed undis ablata, veniebat jam in periculum, né suffocaretur, cum non esset ubi consisteret. Hoc Columba cernens de arbore juxta fontem enata, fractum ramum in aquas abjecit, cui adhaerescens Formica, mortem evasit. Paulò post adfuit Auceps, & arundinibus dispositis viæ Columbæ insidiari cœpit. Cui metuens Formica, ad Aucupem inter opus arrepsit, & ita vehementer illum pupugit, ut arundines præ dolore abjiceret, atque harum strepitu territa Columba avolavit, ac periculum vitavit.

Docet fabula, erga benemeritos esse nos gratos debere

VESPERTILIO, RVBVS, ET HIRVNDO.

Vespertilio, Rubus, & Hirundo, consociatis rebus suis mercaturam facere decreverant. Tum Vespertilio aliunde pecuniam mutuō sumptam pro sua portione ad negotia communia contulit. Rubus autem vestem; at Hirundo æs. Atque ita omnibus compositis, navem cōsiderunt. Provectis verō in altum, tempestate frangitur navis, & vix sua corpora, & vitam, rebus omnibus amissis, servare potuerunt. Sed ex eo tempore Hirundo littora frequentat, sperans fore, ut expulsum æs fluctibus recuperet. At Vespertilio metu creditorum, interdiū latitat, & noctu volitat. Verūm Rubus non cessat prætereuntium vestes arripere, si fortè recipere suam possit.

Oſten

Ostendit fabula, earum rerum, quibus operam
dederimus, cura nos semper teneri.

LIGNATOR, ET MERCVRIVS.

CÆdebat quidam ligna juxta fluvium, cui
cum inter opus excidisset forté securis, in
flumen delata, & demersa fuit. Tum ille inops
consilii, in ripa assidens, defiere fortunas suas, &
lamentari miseré. Mercurius veró, qui forté
præteriens, querelas illius cognovisset, misertus
hominis, aquas subiit, attulit securim, non eam
quidem, quæ amissa fuerat, sed auream, & an hæc
esset, quam perdidisset, interrogavit. Qui cum
suam illam esse negaret, extulit alteram argen-
team: sed ne eam quidem agnoscente Lignato-
re, postremo ferream attulit: quam latus ho-
mo, suam esse dixit. Hac probitate delectatus
Deus, universas illi secures donat. Ita ut accide-
rat, cum postea narraret plurimis, unus in simili-
lis eventus spem vocatus, & ipse in præterfluen-
tem securim suam abjicit, & prope eum mox
assidens plorare, atque lamentari. Huic, ita ut
dudum alteri, Mercurius se obtulit, & causa la-
chrymarum audita, auream protulit securim,
interrogans, ea né esset, quam delapsam in aquas
quæreret? Quam cum magno gaudio statim ag-
nosceret se, & eam esse dixit. At Mercurius, men-
daceum, & impudentem hominem adversatus, &
se à conspectu illius, & auream securim una se-
cum abstulit, neque projectam in fluvium re-
tulit.

*Fabula docet, non minús malis Deos adversari,
quám prodeſſe bonis ſolere.*

ÆGROTUS, ET MEDICUS.

Ægrotus quidam à Medico ſuo interroga-
tus, quo pacto præteritam noctem pere-
giffet, respondit, ſe admodum ſudaffe. Hoc in-
quit Medicus, bonum eſt. Poſtridie reverſus, &
ſimiliter percontatus ægrotum, audivit, horro-
re fuifſe iipſum vehementi concuſſum. Hoc, Me-
dicus, bonum, inquit, & iipſum eſt. Tertiō ſciſ-
citatus, quomodo haberet, cognovit aquam in-
ter cutem effuſam affligere hominem. Sed, & hoc
bonum eſſe dixit. Digreſſo Medico, accessit ex
amicis unus ad ægrotum, & quid fit, inquit, &
quo in loco ſunt res tuæ? Optimo, inquit Ægro-
tus: nam multitudine bonorum extinguoſ.

*Fabula indicat, non aliis homines magis ſuccide-
re, quám iis, quos in ſuam gratiam mentiri, &
quibus aſſentationibus ſe falli animadverterint.*

ASINVS, ET OLITOR.

SErviens apud Oliorem Asinus, cum perpe-
tuis laboribus fesso pabulum exiguum præ-
beretur, precibus ſuis Jovem exoravit, ut illo
domino liberatus, ad alterum perveniret. Ita
venundatus, naectus eſt herum Figulum. Quo in
ſervitio, cum & luti, & vaforum oneribus grā-
varetur, minús ſibi videndum putabat, & mul-
to quám prius, majoribus precibus, ut libera-
retur, Jovem flagitabat. Jove igitur volente,

tertio venit, addictusque fuit Cerdoni. Apud quem, cum quæ gererentur, videret, Heu mihi, cum gemitu, inquit, quantò priores servitutes tolerabiliores erant! Nam ab hoc intelligo etiam pelli meæ periculum imminere.

Fabula ostendit, tunc maximè homines veterè fortunam requirere, cùm novam experiri cœperint.

AUCEPS, ET CASSITA.

AUCEPS laqueos disponebat, & struebat insidiias avibus: cuius opera contemplans Casita, quid gereretur admirans, accessit proprius, & sciscitatur de homine, quid struat? Respondit ille, se urbem condere. Atque omnibus perfectis, occultat se intra ramos arborum. Cassita ad novam urbem aspiciendam celeriter advolat, & laqueo implicita capitur. Cumque accurrisset Auceps, tristis hæc illa, si tales urbes condis, inquit, non facilè multos incolas reperies.

Fabula monet, malè coli, atque habitari cùm oppida, tum domus crudelitate, & rapinis Principum.

VIA TOR.

ITinere quidam longo fatigatus votum fecit, dimidium ejus, quod reperisset, se Mercurio consecraturum: cùm autem incidisset in saccum refertum palmis, & amygdalis, illo sublatu, fructus quidem comedit; nucleos autem palmarum, & amygdalarum testas in aram imposuit, quod se solvere votum diceret, atque inventa cum Mercurio partiri, de quibus extima, & intrusa illi offerret,

Casti-

*Castigantur bac fabula avari, qui etiam Deorum
ipsorum respectum postponunt cupiditatibus suis.*

PUER, ET MATER.

ITabat in ludum litterarium Puer parvulus, latque illic condiscipulis suas tabellas negligen-
tiis asservantibus, suffurari eas, & afferre Matri solebat. Ea Pueri furtis delectabatur : tantum aberat, ut ob delicta filium suum castigaret. Itaque ille, quod in pueritia facere assueverat in parvis, grandior in maghis etiam exercere cœpit. Deprehensus autem quodam tempore in manifesto furto, & capite damnatus, ad supplicium cum duceretur, valde obsecravit carnificem, ut sibi Matris, quam sequi cum lachrymis, & ejulatu animadverterat, compellandæ postetatem fa-
ceret. Quia re facile impetrata, os ille, tanquam arcanam quondam orationem habiturus cum Matre, ad aurem ipsius applicat, & mordicus hanc arripit. Quod factum non solum Matre, sed tota etiam multitudine indignè ferente, neque solum ut furi faciente convitia, sed etiam, ut impio, docuit ille, Matrem se ultum, ut potè causam sibi exitii, & ignominiosæ mortis. Si enim, cum quondam, inquit, ad eam pueriles afferebam tabellas, me castigasset, non processissem eosque audaciæ, quia nunc ad crucem adigor.

*Fabula monet, neglecta délictorum supplicia in-
causa esse solere, ut illa majora fiant, & cumulatio-*

F A B U L Æ
PASTOR, ET MARE.

Pastorem, qui gregem suum forté appulisset ad Mare, cùm cerneret, illud stare placidum, & quietum, cupiditas incessit navigandi, & mercaturas faciendi. Venditis igitur ovibus suis, mercatur palmas, & in navem imponit, atque in altum provehitur. Orta autem tempestate, cùm periculum esset, ne navis fluctibus deprimetur, mercibus ejectis in undas, ægré vacua navis fuit conservata. Post dies pauculos, cùm ad Mare Pastor tristis federet, prætereunte quodam, & secum tranquillitatem Maris, nam tempestas abiebat, admirante: Ego, inquit Pastor, scio, quid sibi velit hæc Maris tranquillitas: alias palmas profecto querit, quas devoret.

Docet fabula, malis acceptis homines cautores in posterum reddi solere.

MALUS, ET PIRUS.

Certamine de forma præstanti inter Pirum, & Malum orto, cùm illæ multis inter se verbis disceptarent, Rubus de propinqua sepe: Finem tandem, exclamat, obsecro rixarum faciamus.

Fabula ostendit, in dissentionibus potentium etiam infimos principatum querere.

T A L P A.

TAlpa animal est oculis captum. Hoc ad matrem aliquando suam, Morum video, dixit: atque iterum; thuris odor complevit nares meas.

Ter,

Tertiō , sonitus æris attigit aures , inquit , meas . Cui mater respondit , se intelligere de dictis , non modō ipsum lumine , sed odoratu etiam , atque auditu privatum esse .

Fabula notat, gloriōsos , & Thrasones istos , quād dum se mirificē ostendunt, & jactitant, in minimis, saepe deprehensi redarguuntur.

PAVO , ET MONEDULA.

CUm haberent comitia volucres Regi creādo , petiit Regnum Pavo , quod se ob formam eximiam illo dignum præ cunctis esse dicceret . Qui cūm omnium suffragia latus videatur: Hic tamen Rex , inquit Monedula , si forte sit factus , & Aquilam hostem habuerimus , quidnam opis , auxiliive poterit afferre ?

Monet fabula, in Principibus eligēdis nō specie mōdō, sed etiā virtutē, & sapientiā spectare oportere.

APER , ET VULPES.

VIdens Vulpecula ad truncum arboris acuētem dentes Aprum , interrogat illum , quo consilio faciat , cūm nulla urgeat necessitas , neque bellum instet ? Cui Aper respondit : Sibi periculum si forte adeundum sit , non otium tunc futurum ad acuēdos dentes : ergo se recte , dum concedatur tempus , ad eventum pugnæ præparare .

Monet fabula, ut ad pericula nos præparemus.

CASSITA.

DUm escam appetit , irretita laqueō Cassita , deplorans fortunam suam : Me miseram ,

& infelicem , inquit , volucrem ! Non ego aliis aurum subduxi , non argentum rapui , nihil invasi rei ullius pretiosæ , sed parvulum tritici granum mortem mihi affert.

Illis fabula narratur, qui parvi lucelli gratia maxima sœpè discrimina non dubitant adire.

HINNULUS.

Hinnulum cum Cervo sic locutum aliquando ferunt : Mi pater , cùm multò sis major canibus , & pedum his celeritate præstes: præterea cùm tibi sint ardua cornua , quibus á te vim propulsare facile possis , qui fit , ut Canes tantopere metuas ? Ibi Cervus ridens , mi nate , vera , inquit , memoras : Mihi tamen nescio quo pacto semper accidit , ut audita Canum voce , in fugam statim convertar .

Fabula docet , eos , qui natura formidolosi sint , nulla cohortatione confirmari posse.

LEPORES , ET RANÆ.

Le pores quodam in conventu de miseria , & fortuna infelici vitæ suæ conquesti , quod & a bestiis illi , & ab hominibus impugnarentur: nam & Canibus , & Aquilis , & omnibus propter modum feris carnivoris sese direptioni , & prædæ esse ; tum sibi mortem ultró conciscere velle decreverunt . Statuebant enim , multò esse satius semel interire , quam sempiterna formidine agitari . Itaque re probata universis , ad proximam paludem cuncti impetu maximo ferebantur , ut

In aquis demersi suffocarentur. Ranæ autem, quæ forté in herbis juxta paludem enatis incubabant, incursione Leporum territæ, subito omnes in paludem se fugientes dimisere. Tum unus inter Lepores reliquis sapientior, state, inquit, socii, neque in vos ipsos gravius quidquā consulite: nam nos quoque, ut videtis, quædam animantes metunt, quas scilicet esse miseriōres nobis oportet.

Fabula ostēdit, afflētis aliorū miseras solatio esse.

ASINUS, ET EQUUS.

VIdebatur Asino beatus esse Equus, qui tam accuratè, & copiosè pasceretur, cùm sibi ne paleæ quidem post maximam defatigationem abundè præberentur. Forté autem bello exorto, cùm in prælium ab armento Equus ageretur, & circumventus ab hostibus, post multiplices labores pugnæ tandem saucius collaboretur: Hæc igitur omnia conspicatus Asinus, quām paulò ante fortunatum esse Equum censuerat, tam miserum, & infœlicem tunc esse judicabat.

Docet fabula, non esse Principatus, & opes proper splendorem appetendas, sed in consideratione invidiae, & discriminū, in quibus Principes, & opulent i versantur, boni consulendum tenuem fortunam, & mediocritatem vita.

A VARUS.

AVarus, & pecuniæ magnus amator quidam, agris, domoque sua, & supellestili, ac vestimentis venundatis, aurum, quod de pretio illorum

coegerat , liquefactum in unam massam refundit ;
 atque redigit , & hanc obruit terra . Quo autē loco
 aurum , eodem & animū , ac cor suū sepeliit . Itaque
 illó quotidie venire , & contemplari dīvitias sūas ,
 & magnam capere intuitu voluptatem . Hoc ani-
 madverso quidam , qui propé operis nescio quid
 facere consueverat , ratus , id quod erat , aurum de-
 fodisse illic hominem , cūm Avarus satiatus aspectu
 terræ , qua tegeretur aurum , discessisset , accurrit ; &
 cruta terra , aurum reperit , atque aufert . Mox Ava-
 rus , ut solebat , revertitur : cūmque vidisset , quod in
 terra factum fuerat , lamentari coepit miserabilem
 in modum , & tenuem vellere capillum , & Deos ,
 atque homines incusare . Quē præteriens quidam
 cūm cerneret in mœrore esse maximo , quid acci-
 derit , interrogat : & re audita : Heus tu , inquit ,
 ne plora , neve tantoperē afflige animum tuū : nihil
 enim , ut videtur , damni fecisti , qui tunc etiam ,
 cūm haberet aurum , caruisti auro . Quare nunc
 repone istum in locum saxum quodpiam , tibique
 persuade , ibi conditum esse aurum . Nam nihil
 prorsus interfuerit , neque alterum altero majori
 tibi usui esse poterit . Neque enim cūm adhuc au-
 rum defossum istic esset , á te usurpabatur .
 Significat fabula , fruſtra possideri ea , quibus nō uta-
 ris ; neque esse fructū dīvitiarum , nisi in harum usu .

ANSERES, ET GRUES.

IN uno quodam prato pascebantur Anseres , &
 Grues . Adyacente Aucupe , Grues levitate
 sua

sua adjuti facile avolant : at Anseres impediti gravitate , dum moliuntur fugam , ab Aucupe apprehenduntur.

Ostendit fabula , urbe capta , cùm pauperes plerumque vim hostilem effugiant , divites in potestatem hostium venire , & in servitutem abduci.

TESTUDO , ET AQUILA.

Magnoperé orabat Aquilam Testudo , vocare sese ut doceret. Aquila ostendebat Testudini , rem illam petere contrariam naturæ ipsius. Sed nihilominus illa instare , & obsecrare Aquilam , ut se volucrem facere vellet. Itaque ungulis arreptam Aquila sustulit in sublime , & lassatis illis Testudinem dimisit , ut per aerem ferretur , quæ delata in rupes comminuta interiit.

Fabula docet , multos cupiditatibus suis obsecratos , consilia prudentiorum respuere , & in exitium ruere stultitia sua.

CERVUS.

Cervus altero oculo captus juxta mare passi confueverat , ita ut integrum oculum in terram haberet versum : nihil enim periculi videbatur a mari impendere. Cùm autem forte navis prætervehheretur , qui in illa erant , directa in Cervum sagitta incatum confixere. At ille ictus , me miserum , inquit , quantoperè falsus fui , quia terram metui , fretus undis , e quibus mihi mors immittitur.

Sæpè ait fabula , quæ nocitura homines putaverint ;

ea lădere non solere : contrā quæ profutura sperari, ab iis maximis interdum dannis affici.

C E R V U S.

Cervus fugiens venatorem, subiit antrum, quod forté in fuga conspexerat. Ibi incidit in Leonem, a quo cùm dilaniaretur : Heu mihi, inquit, cur non potius in hominum, quam sævisimæ bestiæ potestatem veni !

Significat fabula, homines interdum parva pericula declinantes, in maxima se conjicere.

CERVA, ET VITIS.

Cum fugeret Cerva insequentes venatores, occuluit se sub vite. Venatoribus autem paululum prætergressis, quod putaret se Cerva, jam esse in tuto, secura animi carpere pampinos, & manducare cœpit. Quorum motus, atque strepitus venatores convertit, atque illi, quod re erat, arbitrati, sub vite bestiam aliquam latere, accurrunt, & visam Cervam jaculis configunt. Quæ moriens : Merito, inquit, hoc mihi evenit, quæ violare non dubitarim servatricem meam.

Docet fabula, ultionem Numinis non effugere eos, qui pro beneficiis malefacta rependant.

ASINUS, ET LEO.

Versabantur in eodem loco Asinus, & Gallus Gallinaceus. Irruente autem Leone, exclamat Gallus, ac Leo (dicitur enim vocem Galli non ferre) aufugit. Asinus se metui putans, cursu fugientem Leonem persequitur. Progres-

sus

sus autem longius, cùm non magis jam exaudi-
retur Galli vox, Leo substitit, & Asinum arreptum
devoravit. Qui cùm interficeretur: Me insanum,
& dementem, inquit, qui, nequaquam bellatore
patre procreatus, ad pugnam me incitaverim!

*Fabula significat, sep̄ imbecilles per occasionē ado-
rirī territos inimicos, sed eosdē gerentes se improvi-
dē, & elatē à cōfirmatis facile, & celeriter opprimi.*

OLITOR, ET CANIS.

DElapsum in puteum Canem, Olitor serva-
re, & retrahere cupiens, demisit & eodem
se ipse. Canis véritus, ne descendisset sibi nocen-
di gratia, & ut suffocaret demersum, dentibus il-
lum petere, & morsu lacerare. Tum saucius Oli-
tor cum dolore: Jure mihi, inquit, hoc accidis-
se fateor. Cūr enim, authorem ipsum sibi interi-
tus ego servare volui?

*Hæc narratur fabula cōtra stultitiā, & injustitiā.
Narratur & talis fabula,*

Agitasse quemdam assellum juxta præcipi-
tium quoddam, & assellum semitam an-
gustum, atque lubricam, quantumcumque ille,
qui agebat, conaretur retrahere, voluisse ingre-
di. Tum iratum hunc tandem detrusisse Asinum
in rupes, cùm diceret, ut Horatius dixit:

Quis enim invitum servare labore?

ANGUIS, ET CANCER.

AMicitiam junxerant Anguis, & Cancer, &
unā vivere in doméstico quódam familiari-
tatis

tatis usu statuerant. Sed Cancer, animal simplex; & probum, cùm socii, & necessarii sui fraudulenta, & calliditate admodum offenderetur, sæpe hortatus fuit Anguem, ut mores illos suos veteratorios exueret. Anguis non modò non obtemperare rectè monenti socio, sed fieri etiam in dies deterior, atque versutior. Quodam igitur tempore Cancer sopitum invadit, & forcipe sua captum strangulat. Qui cùm mortuus jaceret directus: Ita te, inquit Cancer, viventem, rectum, & simplicem esse oportebat, si ferri tuam consuetudinem à nobis postulabas.

Indicat fabula, eos, qui in amicitia fraudulenter versentur, ipsos sese vehementissimè lèdere.

PASTOR, ET LUPUS.

Repertum Catulum Lupi parvulum sustulit Pastor, & ablatum secum inter canes eduxit. Qui corroboratus, si forte Lupus ovem rapuisset, insequebatur cum canibus & ipse. Cùm autem Canes interdum assequi Lupum non valerent, ac se reciperent, hic persequens dum ad illum perveniret, non magis se fugientem sui generis animantem, particeps esse prædæ solebat. Postea à sagina revertebatur & ipse. Quòd si forte Lupus externus oves rapere cessaret, ipse clanculum jugulabat, & devorabat cum Canibus, donec his competis, Pastor eum suspensum de arbore necavit.

Fabula dicit, naturæ pravitatens bonos mores non producere

LEO,

LEO, ET LUPUS.

DEcumbebat in antro suo senio confectus Leo, & insuper morbo correptus. Ad quem visendum omnes animantes convenerant, præter Vulpem. Hac occasione captata, Lupus Vulpem gravissimè accusare, quæ tam superbè despiceret Regem suum, neque illum ægrotantem viseret. Hæc illo declamitante, advenit Vulpes, & de clausula orationis, quám vehe- menter accusata esset, intelligens, & cernens Leonem fremere ira, consilium cœpit callidum & se defendendi, & ulciscendi inimici: ac dicendi copia impetrata: Quænam igitur de cunctis animantibus, inquit, tanta cura, solicitudineque afficitur de salute, & vita Regis, quanta ego, quæ omnia loca peragro vestigans medicinam, qua sanari posse videaris? Ac nuper tandem inveni, qui remedium demonstraret, præsens quidem, atque efficacissimum, ut videtur. Quodnam? lætus nuntio, inquit Leo. Lupi, inquit Vulpes, pellem modò detractam, & adhuc calentem oportebit te circumdare ventri, & eos- ti. Hoc auditio, ita Leone imperante, Lupo mi- sero pellis diripitur, & Leoni applicatur. Cui jacenti, insultans verbis Vulpecula: Non irritare, inquit, te Principis animum, sed molire po- tius, & flectere oportebat.

Fabula docet, qui alteri struat malum, eum sibi laqueos, quibus capiatur, necfere.

MULIER, ET MARITUS EBRIOSUS.

VIxerat aliquot annis Mulier cum Viro ebrioso, & illius molestias, atque tractationem malam pertulerat. Tandem vero statuit experiri, an ulla ratione tanto malo vir suus liberari posset. Ergo eum temulentum, & obrutum vino accurate consopit, ac mox oppressum profundissimo somno, neque magis sentientem, quam mortui solent, humeris suis sublatum, deportat in sepulchrum vetus, & in illo deponit, atque abit. Paulò post de præteriti temporis notatione cùm conjiceret, crapulam, & ebrietatem edormisse hominem, revertitur, & monumento pulsato, si quis intus sit, progredi eum jubet. Vir, qui adhuc sanè esset somniculosus, quid velit, interrogat. At illa cibum, ait, se mortuis circumferre. Tum ebriosus vir: Ne tu mihi, quisquis es, cibum, sed potum afferto. Est enim hoc mihi contrarium, te cibi, ac non etiam potus mentionem facere. Hic mulier tristitia affecta, & manibus pectus plangens suum: Nulla, inquit, arte meliorem te fieri posse, vir, intelligo: ita consuetudine confirmatum, & in naturam abiisse morbum video.

Fabula monet, non esse assueendum vitiis actionibus, quod ea, quæ sœpè, multumque fiant, etiam nolentes prosequantur.

O L O R.

Pecuniosus quidam, qui Anseres habebat domi, emit & Olorem, & inter illos aluit. Audierat,

dierat enim, suavissimum esse cantum Olorinum. Cūm autem vellet ad epulas jugulare nocte quadam Anserem, ideo enim alebantur, fortē cepit Olorem, quod tenebræ discrimen inter hunc, & illos fieri nullum sinerent. At Olor carmen dulcissimum, quod ajunt, illos facere sole-re, ubi instare mortem sentiant, accinit, atque ita cognitus servatur.

Commendat fabula doctrinam, & in primis mu-sica studia, quibus etiam mors ipsa saepé avertatur.

MULIER, ET ANCILLÆ.

Mulier vidua, quæ texendo vitam sustenta-bat, solebat ad opus excitare de noctu Ancillas suas, cūm quidem gallorum cantus auditи essent. At illæ diurno labore defatigatae, statuerunt gallum domesticum interficere, quod hujus cantu de somno dominam suscitari dice-rent. Quo facto, deteriore conditione, quam prius, esse coeperunt. Nam de hora, & tempore incer-ta domina, & dubitans, prima saepé nocte famu-las postea excitabat.

Indicat fabula, saepé numero bonæ spei consilia habere exitum infælicem.

S A G A.

Saga quædam, & mulier divinatrix, avertere se Deorum iras, & placare infesta numina posse, profitebatur. Quam team quidam fecere, postulantes impietatis: catuque judicibus pro-bata, cūm ad supplicium illa damnata adduce-tetur,

retur ; de turba quidam irridens : Heus tu, inquit ;
quæ pollicebare aliis divinæ iræ procreationem,
non potuisti humanam sententiam mitigare ?

Fabula narratur in magnarum rerum professores, qui minimarum sint imperiti.

F E L I S.

Frepserat in officinam Excusoris Felis , ibique
repertam limam lingere cœpit : cùmque sau-
ciata de lingua crux manaret, gaudens illa even-
tu, quod crederet , ferrum a se lacerari, non fecit
lingendi finem, donec tota lingua absumeretur.

*Fabula dicitur contra eos , qui cupiditatibus, &
pertinacia sua se ipsos dannis afficiunt.*

A G R I C O L A.

QUI terram colebat, cùm agrum foderet, atti-
rum forté reperit. Memor igitur beneficii,
ut a Terra in se collati, & gratus, hanc quo-
tidie fertis redimire solebat. Ergo Fortuna ali-
quando accedens ad illum : Cur acceptum refers,
inquit, Terræ , quod tibi ego tribui, cùm statuis-
sem te divitiis augere ? Nam sorte , si ita cadat,
mutata , & auro delato ad alios , satis scio , te
non Terram, sed Fortunam accusaturum esse.

*Fabula monet , authores beneficiorum agnoscen-
dos , & illis memoriam , atque gratiam persolven-
dam esse.*

VIATORES.

DUO unā iter faciebant : horum unus reper-tam bipennem sustulit. Tum alter hortari , ne sic loqueretur , ut diceret : Ego bipennem inveni: sed sic: Nos invenimus. Hoc ei , qui sus-tulerat bipennem , non persuadebatur. Mox vi-sis quibusdam, qui se insequerentur cum clamore, & concitato cursu, esse eos, qui amisissent bipen-nem, conjiciens, perimus, inquit. At alter : Perii, inquit, dices nunc quoque, non perimus: quippe cūm invenimus nolueris dicere, sed inveni.

Indicat fabula, eos, qui non fiant participes com-modorum, neque in malis fideles esse socios.

R A N Æ.

RAnæ duæ vicina loca incolebant , altera paludem profundam, altera lacunam juxta viam , in qua modicum aquæ substiterat. Tum illa paludis inhabitatrix hortari alteram , ad se ut commigraret , ubi multó tutiorem vitam de-gere liceret. Hæc verò negare se posse avelli à consueto domicilio , atque loco. Paulò póst , ni-hil metuentem plaustrī rotæ , quod illac duceba-tur, contriverunt.

Significat fabula , homines in usum rerum futi-lum prius ferē subverti , quād ad meliora , vel as-pirare velint , vel pervenire possint.

M E L L A R I U S.

CUm forté abesset Apium dominus , ingressus Apiarium fur , execuit favos , & alvearia

compilavit. Reversus Mellarius, & alvearibus inanibus repertis, ad illa constitit, & dolens damno suo, & quærens secum, quid ageret. Interea redeunt Apiculæ de pastu, & in illum infestæ involant, pungentesque aculeis suis, pessimè accipiunt hominem. Qui iratus: Sceleratæ, inquit, animantes, Furem dimisistis intactum, me vero curatorem vestrum affligitis?

Indicat fabula, quod quidam per ignorantiam, aut etiam vecordiam inimicos non caveant, amicos vero aversentur, aut repellant tanquam adversarios suos.

A L C E D O.

Alcedo avis est amans solitudinis, & in alto degit; ac ferunt, insidias hominum vitan-tem in rupibus marinis nidificare, & excludere pullos. Hæc quodam tempore ova paritura, ni-dum affixit scopulo, & foetum in eo reliquit, ac evolavit ad pastum. Interea vento commotum mare, & procellis elatum, fluctibus nuditum ob-ruit, atque ova dissipavit. Reversa mater, & co-gnito damno suo: Infoelicem me, inquit, quæ ter-ram, ut insidiosam, fugiens, contuli me in mare multo infestius mihi, atque nocentius.

Hæc fabula docet, quod nonnulli mortales metuen-tes ab inimicis, non vitent sœpè concursum amico-rum opinione sua, à quibus majoribus detrimentis afficiantur, quam que dari ab inimicis potuissent.

PISCATOR.

TN fluvio quidam retibus expositis captabat Pisces. Tum ad fustem lapide alligato aquas feriens, & limum turbans, quod pellucidum erat, illis adimebat, ut temere fugientes Pisces retibus implicarentur. Hoc alias, qui prope eum fluvium habitabat, fieri, & puras aquas inquinari, moleste ferebat. Tum Piscator: Nisi, inquit, aquæ commotæ turbidæ reddantur, mihi fame pereundum sit.

Fabula ostendit, Principes sœpè civitatum suis commodis studentes, excitare seditiones consuevisse. Et turbulentos homines, cùm in pace nihil bone spei inveniant, ad commovendos status, & tranquilitatem publicam incumbere.

SIMIUS, ET DELPHINUS.

SOlebant quondam mercatores in longinquis navigationibus assumere Catellas Melitæas, aut Simiolos, quorum lusibus tedium navigandi levaretur. Quodam igitur Atticam cum Simiolo prætervecto, non longé à Sunio promontorio regionis illius, vehementissima oritur tempestas, & inhorrescit mare; atque fluctus tanta vi concitantur, ut navis everteretur. Disjectis igitur, atque fluitantibus omnibus, & rebus, & hominibus, natat in undis & Simius. Hunc conspicatus Delphinus, misertus illius, quod esse hominem arbitraretur (singularis autem amor est erga genus humanum Delphinorum)

adnatat ad Simium, & suscepsum evehere ad terram incipit. Jamque in conspectu erat Piræus, ibidemque navale Atheniensium, cùm interrogat Delphinus Simium: An esset & civis Atheniensis? Qui cùm respondisset, se & esse civem Atheniensem, & in ea urbe nobilibus parentibus procreatum: amplius ille, an noscitare posset Piræum rogat. Tum Simius: Optimum ne illum amicum, & summum, ac in primis familiarem, inquit, meum? ratus de homine Delphinum loqui. Quo tam impudente mendacio offensus Delphinus, in mare se demersit, & vanum Simiolum in aquis suffocandum reliquit.

Contra vanitatem, & mandacia hæc fabula narratur, quæ sèpenumérò gloriofulis non solùm detimento, atque probro, sed etiam exitio fuisse compertum est.

M U S C Æ.

AD mel profusum in cella quadam advolantes Muscæ, illius dulcissimo succo jucundissimè pascebantur. Sed jam saturatae, cùm avolare vellent, pedibus in tenace liquore hærentibus, nitentes etiam alas implicuerunt quasi visco quodam mellis. Itaque morituræ: O miseræ, inquiunt, quantillus nobis cibus interitum attulit?

Fabula reprehendit voluptarios, & liguritores, qui lenocinio dulcedinis in magna sèpè mala incurvare, sèpè etiam interire soleant.

MER.

MERCURIUS, ET STATUARIUS.

Avebat cognoscere Mercurius, quantoperé ab hominibus coleretur. Venit igitur in officinam Statuarii, specie emptoris, & primūm Jovis simulacro conspecto, quanti judicaret, interrogat. Cūmque audisset, æstimari denario, subridens: At Junonis hoc quanti? inquit. Aliquantuló pluris, inquit Statuarius, hoc vendo. Quām magno igitur? inquit Mercurius: faciamus enim pretium. Nummis sestertiis, inquit ille, habeto novem. Contemplans verò reliqua, vidit & Mercuriale signum, quod & ipsum licitatur. Sperabat autem cariús multó æstimatū illud iri, quippe Mercurii quod esset nuntii interpres Deorum, cuius numen in spe lucri omnes mortales invocarent. Tum Statuarius: Si tibi, inquit, emptis signis opus est, dabuntur illa duo, de quorum pretio percontatus es, sesquidenario, & hoc in cumulum accedet.

Contra gloriæ cupidos fabula dicitur, qui tamen ab aliis non magni fieri consueverint.

MERCURIUS, ET TIRESIAS.

Mercurius periculum facturus divinationis Tiresiae, formam hominis sibi accommodat, & ab actis bobus illius, qui in agro pascerentur sub urbe, ad Tiresiam venit, quasi sua aliqua de re illum consulturus. Interea & de amissis bobus huic nuntius affertur. Quodammodo Tiresias, assumpto Mercurio, in locum

editum , & patentem proficiscitur, de avium in-
dicio furem ut cognosceret. Jubet igitur dicere
Mercurium , num avem aliquam cernat. Ille,
Aquillam se videre, ait, quæ volatu à læva ad dex-
teram ferretur. Nihil hæc ad nos, inquit Tiresias:
observemus igitur aliam. Pauló post Mercurius,
Cornicem conspicatus in proximæ arboris ra-
mo insidentem , quæ nunc rostrum in Cœlum
attolleret , nunc terram versús dimitteret , id
ípsum significat vati. Qui , gestu Cornicis intel-
lecto : Hæc , inquit , Cœlum , & Terram Cornix
testatur , recepturum me boves meos , siquidem
tu volueris.

Hac fabula adversus fures uti possumus.

C A N E S.

CUI erant Canes duo , is horum alterum ad
venationes assuefecit, alterum ad custodiam
domus. Si quid autem prædæ partum labore
venatici allatum forté esset , particeps fiebat il-
lius & domesticus. Ferebat id molesté venati-
cus , & convitia ignaviæ , & desidiæ faciebat do-
mestico , querebaturque , de suis illum defatiga-
tionibus , & sudore bené victare. Cui domesticus
respondit , non se accusandum esse, sed dominum ,
á quo non labores , sed aliorum labore quæsita
adsumere , edoctus esset.

*Indicat fabula , imperitæ adolescentiae sustinere
parentes culpam , qui non curarunt recte illos edu-
candos.*

PATER, ET MATERFAMILIAS.

ERat nupta cum quodam mulier iracunda, & morositate intolerabilis toti familiæ. Hic cognoscendi cupidus, utrūm sua tantummodó, an etiam paterna domus ferre illam nequiret, bona cum gratia, quasi magna res agatur, ad patrem eam remittit. Post dies non multos revocatam interrogat, quám recte sibi cum familia paterna convenisset? Bubulci, inquit illa, & pastores mihi visi sunt offendii mea præsentia. Ibi vir, Mulier, exclamans inquit, si gravis, & invisa iis fuisti, qui prima luce domo egrediuntur, & ad eamdem postrema revertuntur, quid de aliis suspicandum, cum quibus totos dies versata es?

Intelligendum jæpenumerò magna de parvis rescisci, & incerta de certis explorari solere.

HOEDUS, ET LUPUS.

HOEdus á grege aberraverat: hunc Lupus visum insequi cœpit. Qui cùm intelligeret, se viribus suis malum effugere non posse, calidum consilium init, & ad Lupum conversus: Mi Lupe, inquit, video, me futurum esse cibum tuum: Tu tamen ne gravere parva in re benignè mihi facere, & quo jucundiús finiam vitam, priúſ carmen aliquod accinito, ad quod saltando exhilarer. Ita etiam caruncula mea suavior erit. Statuit moreni gerere Lupus Hœdo, & alta voce edit ululatum, quo audito, canes accurruunt: tum relicto Lupus Hœdo fugam facere.

Sed enim jure , inquit , hoc mihi evenit : me enim , qui cocus esse debueram , cantorem agere non oportuit.

Fabula docet , nunquam fœliciter naturam propria exui , & indui alienam.

CANCER, ET VULPES.

Egressus quondam de aquis Cancer , in ripa pascebatur : hunc famelica Vulpes corripuit : cùmque illum devorare vellet : Cur igitur inquit , ego , qui fluvialitis essem , terrestris fieri volui ?

Indicat fabula , sua studia deserentes , & incumbentes in aliena , meritò fortunam experiri adversam.

F I D I C E N.

Solebat quidam fidibus canendo exercere se sub testudine , cui inductum paulo anté tectorium fuerat , ubi cùm vox resonaret , valde huic illa canora videri : itaque elatus animo decrevit , & in certamen publicum theatri procedere . Ubi cùm deterrime cantaret , sibilis exactus , & plagis insuper affectus , poenas dedit stolidæ audaciae .

Fabula hoc indicat , quodam in scholis , & apud suos quantivis pretii sibi videri , & opinione præclaras efferriri , ut ad Rempublicam etiam accedere audeant , in qua regenda sèpè turpissimè se dare consueverint.

F U R E S.

Fures , qui se per ruinosum parietem in aedes quasdam insinuassent , cùm quod auferre

pol-

possent, nihil reperirent, Gallum forté strepentem, & cantantem comprehendunt, & secum asportant. Quem jugulaturi orantur ab eo, sibi ut parcant: suum enim cantum utilem hominibus esse, quos excitet de somno ad opera, & labore. Tum Fures: Eó libentiūs, inquiunt, te occiderimus, qui eos suscites, quorum vigilatia obstat conatibus nostris.

Fabula significat, malis ea maximē adversari, quæ bonis prosint. Monet & hoc, imprudentes ea sep̄ defensione uti, qua magis adversariorum adjuvetur causa, quam sua.

CORNIX, ET CANIS.

CUM rem divinam faceret Cornix, pecude Minervæ maestata, ad coenam invitat Canem. Quid tu verō Deam, Canis inquit, frustra solicitas, & sine causa sumptus facis? Ita enim illa te vehementer odit, ut ex omnibus tui generis animantibus uni tibi fidem augurii detraxerit. Ideo igitur, Cornix huic inquit, sacra ferro, ut mecum placata in gratiam redeat.

Docet fabula, esse multos, qui lucri spe inimicos colere, & munerari non dubitent.

CORVUS, ET SERPENS.

CUm fame Corvus periret, neque escam uspiam inveniret, forté conspectum Anguem convolutum, & apricantem capit: quo replicato, & sauciente Corvum, iectus ille: O me miserum, inquit, cui ejusmodi oblatum fuerit com-

modum , á quo mihi interitus immitteretur.

*Castigat fabula avaros , quibus lucri cupiditas
sæpè exitiosa esse compriatur,*

MONEDULA, ET COLUMBÆ.

MOnedula animadvertens vietum abundanter Columbarum , cerussa oblinuit nigrorem suum, & adjungit se Columbis. Hæ secum illam cibum capere , donec tacuit , facile passæ , postquam crocitantem audivere , irruunt in eam , & abigunt de columbari. Tum revertitur ad Monedulas , quæ albatam hanc , ut alienam avem & ipsæ excludunt. Ita, quæ non contenta sua sorte meliorem sequuta fuerat , utriusque vitæ commoda amisit.

Monet nos fabula , ut fortunam quisque suam amplectatur, utque cogitemus , cupiditates, preterquam quod nihil utilitatis afferant , sæpè etiam damnosas esse.

M O N E D U L A.

Captam quidam Monedulam alligatam , filio devincto ad pedem illius , donat filiolο suo , cum qua luderet. Illa impatiens humanæ consuetudinis , occasionem nacta in silvas avolat: implicito autem filo arboris ramis, cùm jam fame sibi moriendum intelligeret: Me miseram, inquit, & stolidam avem , quæ hominum servitutem fugiens, in mortem, & exitium me conjecerim !

*Fabula indicat, quod homines declinantes media-
cria mala, in maxima interdum incurvant.*

JUpiter Mercurium jussit, Opificibus omnibus dare potionem medicatam vanitate. Ille oblitus unius generis, nescio cujus, miscuit æquali- ter mendacium universis: cùm autem recorda- retur postea horum, quidquid relictum fuerat, id totum ebibendum priùs præteritis præbuit. Ideóque cùm omnes Opifices multúm mentian- tur, aliqui tamen putantur esse vanissimi.

Narratur fabula mendacibus Opificibus.

J U P I T E R.

FUerat Jupiter creatis hominibus oblitus ve- recundiam quoque attribuere, cùm reli- quos omnes affectus attribuisset. Ergo dubius animi non inveniens viam, qua & hanc illis in- fereret, jubet, ut ipsa in turbam, & multitudi- nem sese inferat. Quod cùm facere admodum gravaretur, Jupiter autem, ut faceret, valde ins- taret, consensisse tandem hac conditione dicitur, ne libido eodém, quó ipsa, accederet; hujus enim conjunctionem, vel potiùs conspectum se tole- rare non posse. Ex eo fit, ut omnes impuri, & li- bidinosi etiam sint inverecundi.

Narratur fabula contra impudicos, & servien- tes turpitudini cupiditatum.

J U P I T E R.

CUm Jupiter duxisset Junonem, invitasse ad nuptiale convivium universas animantes traditur. Quæ cùm tempestivé advenissent, sola

cessavit Testudo : de qua cùm causam moræ sci-
scitaretur , respondit illa , suam cuique domum
gratissimam esse. Itaque iratus Jupiter hac eam
poena affecit , ut affixam perpetuó sibi domum
suam gestare cogeretur : unde & hoc est in obscu-
ra , & veteri illa descriptione hujus animantis:
Terrigena,tardigrada, domiporta,sanguine cassa.

*Fabula de iis narratur, qui suarum rerum tenui-
tatem preferunt aliorum splendori, & copiae. Monet
etiam inferiores, primùm ut caveant, ne ad iram
provocent potentiores cunctatione sua. Deinde of-
fensos clementer respondendo placare potius, quám
verborum insolentia contra se irritari velint.*

LUPUS , ET OVIS.

QUi evaserat Canes saucius Lopus , cùm ja-
ceret in terra sine viribus , à prætereunte
Ove petit , de prætersuente sibi potum ut
afferret. Nam ego facile, inquit, tunc cibum inve-
nero. Ovis, fraude intellecta , si ego potum attu-
lero, inquit, me scilicet pro cibo usurus sis.

*Fabula dicitur in veteratores , & fraudulentos
insidiatores.*

LEPORES.

LEPORES , suscepto bello adversús Aquilas, au-
xilium Vulpium implorarunt. Quæ res-
ponderunt , non se fuisse illis defuturas , nisi sci-
rent, & qui ipsi essent , & quibuscum bellum ge-
rerent.

Docet fabula, eos negligere salutem suam, quæ cum potentioribus inimicitias exerceant.

FORMICA.

QUAM Animantem Formicam nominamus; eam fuisse quondam mortalem humani generis, accepimus. Exercuisse autem agriculturam, in cuius assiduo studio, & summa cupiditate, vicinis & res, & frumenta substrahere clanculum soleret. Qui cum, ut fit, furi multa quotidie mala imprecarentur, motus tandem Jupiter communi execratione, in animantem, quæ, ut diximus, Formica nominatur, convertit furacem Agricolam. Non tamen unà cum specie mores quoque mutati fuere: nam Formica nunc quoque rura frequentat, & alienos labores ipsa percipit, atque recondit.

Fabula ostendit, naturas pravas immutatas manere in omni formæ varietate.

VESPERTILIO, ET FELIS.

VESPERTILIO delatus in solum, comprehensus fuit à Fele. Quæ cum hunc dilaniatura esse videretur, petiit ille suppliciter, vitam sibi ut concederet. At enim Felis hoc facere posse negabat, quod esset capitalis hostis omnium avium. Tum Vespertilio, se non avem, sed murem esse dixit. Itaque dimissus fuit. Paulò post captus ab alia Fele, similiter petiit, sibi misero vitam relinqu. Ibi Felis, sibi hoc factu perdificile esse, ait, quod cum

cum omnibus muribus bellum gereret. Vespertilio verò , se murem nequaquam esse affirmare , sed volucrem. Quare iterum periculum evasit, & nomine mutato,bis servatus fuit.

Instituit homines fabula ad prudentiam , ut pro tempore, & loco mutare consilia discant.

ASINUS SILVESTRIS.

SIlvestris Asinus postratum in sole mansuetum Asinum cernens , beatum illum judicabat animo suo , qui & cute nitida , & benè habito corpore esset. Mox videns, eundem & onera ferre, & ab agitatore fustibus cædi : Non ego te, inquit , magis beatum esse duco : intelligo enim, cum quanta calamitate tua bona confusa sint.

Fabula docet, commoditates conjunctas cum miseria non esse appetendas.

ASINUS, ET VULPES.

ASinus indutus Leonis pelle , superbè obambulabat , & reliquas bestias territabat. Huic obviam facta Vulpecula , quæ forté illius vocem audierat, etiam te ego, inquit, metuerem, nisi te rudere solere scirem.

Fabula docet , quosdam indoctos alienis sœpè esse admirabiles, priusquam ipsi flultitiam verbis indicent.

ASINUS, ET VULPES.

TNiit amicitiam cum Asino Vulpes , atque ita communiter exiere venatum. Cūm autem Leonem conspexisset Vulpecula , verita ut evadere

dere cursu posset , calliditate periculum vitare tentat, & ad Leonem accedens, pasciscitur vitam suam pro Asini proditione. Leo tunc quidem Vulpi vitam promittit ; illa verò in laqueum inducit Asinum, in quo captus cùm hæreret, neque aufugere posset , capit priùs Vulpem Leo, atque ita ad devorandum otiosé Asinum accedit.

Fabula indicat , quod sociorum suorum proditores sibi etiam ipsis plerumque exitium accersant.

CA M E L U S.

CUM homines primū Camelum aspexissent, territi granditate bestiæ refugere ab hac perculsis animis. Mox intellecta mansuetudine illius , accessere propriūs , intuitique fuere confidentiūs. Tandem cùm comperissent , felle carere , eó usque despexerunt, ut & frænos injicerent illi, & pueris agitandum traderent.

Fabula docet , terribiles casus consuetudine ita mitigari, ut sàpè etiam contemnantur.

C O L U M B A.

SI ti enecta Columba cùm vidisset in tabula pictum cratera, rata aquam inesse , concitatoque imperu ad illum lata , inflictam alam in asseres fregit , itaque delapsa in terram à pueris capta fuit.

Fabula monet , ut caveamus , ne imprudenter aggrediamur ullas res , obsequentes cupiditatibus nostris, quod hæ multos in maxima damna impulerint.

D I V E S.

Cum essent Diviti cuidam filiae duæ , atque ex his altera mortem obiisset , conduxit ille mulieres , quæ in funeris pompa deflerent mortuam , quas Latini præficas dixerat . Quarum miserabiles planetus conspicata superites soror : Quanta est hæc , inquit , infœlicitas , id facere posse alienas , ut tam vehementer plorent , atque ejulent , cùm id nos , quarum luctus est proprius , nequeamus ? Cui mater , Desine , inquit , mirari , filia mea , tantoperé istas mœrere : hoc enim pecunia accepta faciunt .

Fabula ostendit , inveniri quosdam tam avaros , qui non vereantur quæstui habere alienas calamitates.

P A S T O R.

Egerat Pastor oves in quercetum : ibi strato sub arbore vestimento suo , conscendit illum , & decutere coepit glandes , ad quas accurrentes oves , dum illas mandunt , etiam vestem pastoris dilacerant . Qui cùm de arbore postea descendisset , & cognovisset dampnum , quod interea fecerant : Improbissimæ , inquit , animantes , vos aliis ad vestitum lanam suppeditatis , mihi verò , qui vos pasco , meam vestem diripuistis ?

Ostendit fabula , multos mortales alienis inscientes bené , & suis malefacere .

PISCATOR, ET SMARIS.

SMaridem ajunt esse pisciculum parvum in cibo gratum. Hujus generis captam unam perpusillam orasse Piscatorem, qui ceperat, ferunt, ut illo se tempore amitteret, ac sineret grandescere: tunc enim illum se majore cum commodo suo facilé esse recepturum. At ego, inquit Piscator, desipiam, si spe futuri boni, vel maximi, præfens ē manibus dimittam, quamvis modicum.

Docet fabula, incogitantes esse, qui malint magna sperare bona, potius quām mediocribus frui.

EQUUS, ET ASINUS.

Agitabat quidam Equum, & Asinum onustos sarcinis. Deficiente autem in itinere Asino, & perente ab Equo, ut aliqua parte oneris se levaret, si se vivum aspicere vellet, repudiauit Equus preces illius. Paulò igitur post fatigazione, & labore consumptus Asinus in via corruit, & efflavit animam. Tunc agitator omnes sarcinas, quas Asinus portaverat, atque insuper etiam detractam pellellem Asino, in Equum imposuit. Ibi ille deplorans fortunam suam, cūm serō jam facti pœniteret: Me miserum, inquit, qui parvulum onus in me suscipere gravatus fuerim, cūm nunc cogar tantūm ferre, accedente etiam pelle comitis mei, cuius preces tam superbē contempseram.

Docet fabula, si superiores cum inferioribus operas suas communicent, hoc solere utrisque salutare esse,

DE

F A B U L Æ
DE FAUNO , ET VIATORE.

SAtyros , & Silenos vocant Græci ruris , & silvarum numina , qui Latinis sunt Fauni , & Silvani . Ex his unus quondam Viatorem hyemis frigore afflictum deduxisse perhibetur in specum suum misertus hominis . Cumque videret , crebro eum manus ori admoveare , & illis inhalare , rogit , quid sibi ea res velit ? Respondit Viator , casieri ita spiritu manus contractas gelu . Tum Satyrus , ne quid humanitatis erga hospitem prætermitteret , affert in phiala vinum calidum , & adhuc fervens , illoque suum fovere guttur , & stomachum jubet . In hoc etiam inspirare Viator , quod diceret admiranti , & causam requirenti Satyro , refrigerari potum anhelitu . Ibi Satyrus eum aversatus : At tu , inquit , citò te aufer a me , & egredere de specu : nihil enim cum tua perversitate commercii habere volo , qui codem ex ore efflas calidum , & frigidum .

Fabula significat , fugiendas amicitias dubias , & mutabiles hominum inconstantium , & levium .

VULPES , ET LIGNATOR .

Agitata Vulpecula a Canibus , longo spatio fugi consecuta , devenit tandem ad casulam , ante quam Lignator findebat stipitem quernam : ad eum supplex confugit orans , ut sibi latbras aliquas demonstraret , in quibus , dum Venatores præterirent , occultaretur . Ille misceritcordia

ricordia motus suam casulam jubet subire , ibi sperare se , illam in tuto futuram . Postea recordatus , animantem illam esse nocentem , & tamen manifeste prodere supplicem non ausus , insecutis Venatoribus , & num Vulpem vidisset , percontantibus , vidisse quidem ille verbis negabat , sed manu , oculisque casulam suam indicabat , ubi volebat intelligi latere Vulpeculam . Sed Venatores , non animadverso indicio , & attentes orationi , celeriter discedunt . Vulpes , quæ & audierat , & viderat omnia , progressa mox de casula , abire , insalutato Lignatore . Quod cum ille ægré ferret , & tanquam cum ingrata expostularet : Etenim salutem tu mihi debes , inquit , tuam , & meo beneficio vitam retines . Tum Vulpes : Agerem , inquit , gratias ego tibi , si cum oratione tua manus , & oculi consentirent . Quod si dicendum aliquid est , ego quidem linguae bene precor , sed manus præcisas , & oculos tuos effosos velim .

Fabula contra eos narratur , qui verbis bona pollicentur , veré autem malefacent .

HOMO, ET STATUA.

Quidam domi suæ consecrata Divi nescio cuius lignea Statua , colere hanc , & fertis ornare assidue solebat , & petere ab hac divitias , & opes . Sed hoc cum frustra longo tempore fecisset (non modo enim non augebatur res ipsius , sed etiam diminuebatur) iratus tandem

apprehensum pedibus simulachrum terre influit. Illiso autem forté in saxum capite, effractoque, magna vis auri effunditur, quod in eo fuerat inclusum. Hoc colligens ille: Magna est, inquit, perversitas tua, Dive, quia venerantem te neglexeris, & afflagentem ditaveris.

Significat fabula, pravos non cultu, sed vi, & adversando placari.

CANIS, ET COCUS.

IN domo quadam ingens convivium apparetur. Invitat igitur Canis domesticus externum, secum ut epuletur. Deductus externus in culinam, videt omnium rerum ad victimum necessiarum summam adesse copiam, magnas etiam ubique lautias animadvertisit. Itaque gaudio plenus: Papæ, quām opiparē, inquit, hīc nunc convivabor! Tanto scilicet me cibo ingurgitare potero, ut saturitas postridie etiam duratura esse videatur. Hæc ille secum lætus murmurans, caudam, quasi adulans, Coco quassat: ille ut ab externo metuens, arreptum de fenestra eum projectat in viam. Qui cum clamore maximo aufugiens, habuit obvium sibi notum alterum canem. Hic igitur, qui fuisse eum invitatum foras sciret, quomodo acceptus esset, interrogat. Cui alter inquit: multum potavi, ut ebrius, unde exierim, ignorem.

Fabula docet, fidem non babendam iis, qui de aliorum facultatibus beneficos se futuros esse pollicentur.

PIS.

Piscator artis non admodum peritus, venit cum tibiis ad aquas, & carmen accinere coepit, sperans futurum, ut ad vocis suavitatem pisces exsilirent. Sed falsus spe sua, arripuit rete, & projicit in aquas, magnamque copiam piscium extrahit. Quibus in ripa expositis, & lascivientibus: Nunc saltatis improbi, inquit, dudum autem, me tibiam inflante, quiescebatis?

Fabula dicitur de iis, quæ temeré, vel non suo loco, atque tempore fiunt.

BUBULCUS.

Bubulcus amiserat Vitulum de armento, quod custodię debebat. Tum ille silvas, & solitudines omnes abiit, & requirere Vitulum. Sed multa opera, & labore magno nequicquam absunto, votum Jovi fecit, se hœdum illi cæsum, si esset sibi fur ostensus, qui Vitulū rapuisset. Ibi forté delatus in saltum, videt Leonem, a quo mandebatur Vitulus. Ad cuius conspectum ingenti formidine percitus Bubulcus: Magne, inquit, Jupiter, reperto Vituli fure, hœdum me tibi ex voto debere, confiteor: sed nunc opimum bovem a me accipe, & ex illius vi, atque unguibus me eripe.

Fabula monet, esse quosdam levis animi homines optantes temeré, que forté concupiverint, eaque consecuti cùm sint, tum animis angit, & querere, quomodo amittere possint.

CORVUS.

COrvus gravi morbo laborans : Mater, inquit, Deos interpella pro salute mea, & à lachrymis tempera. Cui respondit Mater : Vereor, ut meas preces ullum Numen exauditurum sit : Nullius enim tu victimis unquam pepercisti. *Fabula docet, quibus secundis rebus plurimi fuerint inimici, eos non facilé amicos in adversis reperi.*

CICĀDA, ET FORMICÆ.

Formicæ humectatas in hyeme siccabant fruges: ad has adit Cicada esuriens, & orat, paullulum cibi ut sibi impertiant. Cui illæ : Æstate, inquiunt, quærere te oportuit. Non vacabat, inquit Cicada. Quid faciebas igitur ? inquiunt illæ: Cantationibus operam dabam, inquit. Tunc illæ: Si cecinisti æstate, inquiunt, hyeme saltato.

Monet fabula, ne ulla in necessaria re cessemus, ne postea egentes frustra præteritum tempus requiramus, aut aliorum opem imploremus.

GALLINA AURIPARA.

Habebat Gallinam quidam, quæ ovum quotidie pariebat aureum. Hic sperans, auri massam intra illam esse absconditam, occidit Gallinam, & in dissecta nihil aliud reperit, quam quod in reliquis esse Gallinis confuevit. Itaque ingentibus ille divitiis inhians, etiam mediocres perdit.

Monet

Monet fabula, ut immodicas cupiditates, & avidos divitiarum animos compescamus, & ut sua quisque fortuna contentus vivat.

LEO, ET VULPES.

LEO senio confectus, cùm vires non suffpetarent ad victum parandum, callidum cepit consilium sustentandi vitam. Itaque in antro, quasi periculoso morbo correptus, decumbens, quòd ad ipsum visendum paßim animantes reliquæ advenirent, præhensas illas devorabat. Atque ita magna bestiarum multitudine à Leone absumpta, accedit tandem & Vulpecula ad antrum, & ante illud subsistit, hæsitans, atque circumspectans. Tunc Leo, quid cesseret, cur non adeat ad se, rogit. At illa, id quod Horatius versibus retulit, respondisse fertur: *Quia me vestigia terrent. Omnia te adversum spectantia, nulla retrorsum.*

Fabula docet, prudentes ante pericula cavere sibi, & ea signa, quibus mala portendantur, notare, & hæc effugere.

LUPUS, ET MULIER.

ESURIENS LUPUS, omnia loca circumiens, cibum querebat: tandem audit intra casam rusticam plorantem puerum, & interminantem Mitrem, ni desinat, Lupis eum se velle projecte. Lupus eo dicto in spem vocatus, habiturum

occisus : qui inermis nihil , nisi tubam hanc , ut
videtis, habeam. At hostes : Ideo te, inquiunt, cu-
pidius interimemus , quod pugnandi imperitus,
alios ad pugnas , & dimications incitare soleas.

*Fabula docet, nocentiores esse eos, qui potentes
instigent, & irritent ad malefaciendum aliis, quam
privatos ullos, qui ipsi malefici sint.*

ARUNDO, ET OLEA.

Disceptabant de fortitudine , robore, & con-
tantia Olea , seu Quercus (nihil enim re-
fert) & Arundo. Cum autem Olea, sive Quercus ,
Arundini exprobraret mobilitatem , & quod ad
quamvis illa exiguum aurum tremeret, tacuit Arun-
do. Non ita diu post , ingruentibus ventis , & re-
sistente flatibus ipsorum Olea , vel Quercu , ab
horum illa via eruta, & dissipata fuit, Arundo au-
tem sub nissione integratatem conservavit.

*Fabula ostendit, laudandos eos magis esse, qui
tempori servire sciant, & se non opponant valen-
tioribus, quam eos, qui cum præstantioribus se, &
potentioribus rixentur, atque contendant.*

LUPUS, ET GRUS.

INhaeserat os in fauicibus Lupi : mercede igitur
conducit Gruem, quæ inferto rostro in rectum
suum , os de fauicibus extrahat. Hoc longitudine
colli facilè Grus efficit. Cum autem mercedem
postularet , subridens Lupus, & dentibus infren-
dens: An tibi, inquit, merces parva videtur, quod
caput incolume retuleris de Lupi fauicibus ?

Fabula in eos dicitur, qui servati de malis, erga salutis suæ authores ingrati reperiuntur.

CULEX, ET LEO.

Aggressus Culex ad Leonem : Non ego , inquit , te tantam bestiam formido, neque tu mē præstantior es. Vel dic ipse, qua maximē laude excellas ? Num quia unguibus laceras , & dentibus discerpis miserias bestiolas ? At idem facit fœmina , siquando cum viro pugnat. Me vero te etiam robustiorem esse, ut intelligas , age committamus prælium. Atque ita se , Martio illo canore fractos sonitus imitante tubarum , in Leonem incitans , intra nares illius inhæsit. Leo vero insaniens ira , suum ipse os propriis unguibus dilanians, sese miserè affligebat. Tum Culex cum exultatione avolans , & cantu , tanquam victor, araneæ tela irretitur , a qua cūm comprehendetur, jam moriens: Quæ hæc est, inquit, infelicitas, me Leonis victorem ab araneola interimi ?

Fabula narratur contra eos, qui in eximia præstantia, levi aliquo caju evertuntur.

VULPES, ET SIMIUS.

In magna quondam brutorum animantium corona cūm saltaret Simius , consentientibus omnium judicijs , laudatus , & ab ipsis quadrupedum Rex creatus est. Vulpes vero tantam ei dignitatem invidens , occasionem quærerbat illum

lum de Regali fastigio deturbandi. Forte accidit, ut juxta casses, qui bestiis erant praetensi, Vulpes subjectas carnes conspicata, Simium illuc secum honoris praetextu duceret, quod tantum a se inventum thesaurum diceret, noluisse supprimere, quippe quem jure Regi deberi fateretur. Itaque Simium hortata, ut praeda Principi debita potitetur, non ægre illi persuasit. Simius autem incaute progressus in praedam, fraudem vitare non potuit, cassibusque irretitus, Vulpem læsæ majestatis accusare coepit. Quæ ad illum conversa: O Rex, inquit, cum tanta sis præditus incogitania, quo ore tenere te imperium in animalia posse arbitrabare?

Fabula eos notat, qui imperium in alios temerit capeſſentes, temeritatis ſuæ, oblatu aliquo diſcri- mine, dant pœnas.

Haec tenus de iis fabulis, quæ Græca lingua editæ, omnium manibus sub Æſopi nomine teruntur. Hinc iam ille ſequentur, quæ partim versu, partim ſoluta oratione ab aliis conſcriptæ, & variis variarum linguarum gentibus nuper in Romanam civitatem adſcriptæ ſunt.

HOMO, ET LEO LAPIDEUS.

Orta inter Hominem, & Leonem contentione de robore, cum ſe huic ille anteferret, & omnibus modis vellet probare eſſe, validiorem,

diorem, deduxit Leonem ad effigiem Hominis de saxo expressam, à qua Leo item saxeus pedibus calcabatur. Tum Leo : Si nostrum, inquit, genus fingere etiam didicisset, ego quoque tibi, ut opinor, saxeos homines, qui à Leonibus premerentur, possem ostendere.

Coercet fabula ostentationem virtutis propriæ.

LEO, APER, VULTURES.

GAudebant Vultures, cùm cernerent Leonem pugnantem cum Apro, & se viëtum, atque occisum depasturos esse sperabant. Cùm autem vidissent illos, omisso certamine, pacem, & fœdus facere, falsi spe deplorabant vanam expectationem suam.

Fabula monet, non esse lætandum ob mala aliena.

CAPRA, ET FURIOSUS LEO.

COnspecto Leone furente: O miseram, & infœlicem conditionem bestiarum, inquit Capra! Siquidem etiam furiosos habituræ sumus Leones, quorum mentis, & rationis compotum sævitiam intolerabilem esse experimur!

Fabula deterret eos, qui in principatu sunt, & rerum potiuntur, ne in iram facile delabantur, neve à potestate exceant.

ASINUS GESTANS SIMULACHRUM.

Gestabat impositum sibi Asinus, nescio cuius Dei, simulachrum : hoc cum adoraretur a prætereuntibus, ille animo elatus, quod se adorari putaret, querere de astantibus : Quisnam esset? Neque enim se Asinum esse arbitrari. Tum unus de illis: Tu quidem, inquit, Asinus idem es, qui semper fuisti, sed nunc Dei simulachrum geris.

Instituit Principes, & potentes fabula ad moderationem, & ut se, similiter ac reliquos homines, esse mortales meminerint.

DE PUERO, QUI VISCERA COMEDERAT.

Ingurgitarat se Puer visceribus festo die quodam. Quae cum non posset concoquere alvus, frusta horum ille evomebat. Tum, o mea mater, territus exclamat, viscera evomo. Cui illa: Recte, inquit, mi fili, non enim tua, sed aliena ista bubula vomis.

Non oportere, ait fabula, gravari nos, si aliena reddenda sint.

DE CULICE, ET TAURO.

Culex in cornu Tauri residens, illum interrogabat, numquid avolare se vellet? Cui respondit Taurus: Nihil interesse sua, utrum maneret, an avolaret. Ut enim non sensi accessionem, inquit, tuam, ita ne decessionem quidem sensero.

Contra eos fabula narratur, qui sibi videntur esse sapientes, aut honorati in stultitia sua, & aliorum derisione.

PUER, ET SCORPIUS.

LOcustas Puer captans, in Scorpium incidit. Hic illi : Ne, inquit, attigeris me: nam nisi a me abstinueris manum, locustas etiam, quas venatus es, cum dolore, & gemitu projicies.

Fabula monet, vitandos esse congressus improborum.

HIRCUS, ET VITIS.

ARrodentem pampinos Hircum increpat Vitis. Cur enim tu mea, inquit, folia carpis, quasi nihil praeterea sit frondium? Cum autem non faceret de pascendi illos finem Hircus: Quantum potes, inquit, noceto mihi: ego tamen vini tantum tulero, quantum, te maestato, ad libandum Diis satis fuerit.

Indicat fabula, saepè prodeesse alteri eum, qui laderere voluerit.

C A P R A.

AD fonticulum constiterat forte Capra, quæ in aquis contemplans imaginem suam, gracilia, & exilia crura sua vituperabat, commendabat autem cornua. Mox audita voce venatoris, & canum, aufugiens, & inter dumeta cornibus adhaerescens, cum celeritate pedum periculum evadere potuisset: O me desipientem dudum, inquit, cui placerent saluti contraria

traria cornua , crura verò displicerent , quorum
beneficio retineri illa posset.

*Docet fabula , sēpē perverso iudicio homines no-
centibus delectari , & utilia spēnere.*

VULPES , ET UVA.

Vulpes sublimem uvam dependentem de
vite conspicata , ad illam subsiliit iterum,
atque iterum , omnes vires corporis adhibens,
si fortē attingere posset. Tandem defatigata ina-
ni labore discedens , ipsa se fē quasi consolans:
At enim acerbæ nunc etiam , inquit , uvæ sunt,
& ista in primis austera , neque si in via reperia-
tur , videtur tollenda esse.

*De iis fabula dicitur , qui necessitatī obsequun-
tur , & libenter abstinent ab iis , quæ obtinere non
possint.*

CORVUS , ET VULPES.

Sustulerat Corvus alicundè caseum , & cum
illo in altam arborem subvolarat. Vulpe-
cula , quæ caseum concupisset , ita illum adorta
callidē fertur , cūm primum formam , & nito-
rem pennarum , & laudes augurii collaudasset:
Planè , inquit , te summi Jovis volucrem esse di-
cam , si audivero etiam vocem , & cantum dig-
num reliquis virtutibus tuis. Corvus laudibus
Vulpis inflatus , clamorem edere quām maxi-
mum posset. Ita de aperto rostro delapso caseo
porita Vulpes irridens illum : Nihil , inquit , tibi
deest , Corve , præter cor.

Fabula docet, assentationes & deridendos, & comedendos aliis, exponere eos, qui illis delectentur.

ASTROLOGUS, ET VIATOR.

Contemplans quidam noctu Cœlum , & stellas, in fossam , quam ante pedes traductam non viderat , incidit. Tum alius eadem iter faciens,cum de gemitu illius,ac oratione, quod acciderat, cognovisset. Optimē , inquit, tu, qui os in Cœlum erigebas , terram potius intueri debueras.

Fabula ostendit , reperiri quosdam , qui futura predicere non dubitant , cum , que ante pedes sunt , non videant.

EQUUS, ET CERVUS.

Tenuerat Equus pratum aliquantis per solus. Postea cum in illud & Cervus ventitaret,& pabulum consumeret , cupidus ille vindictæ, querit ab homine: Utrum ope ipsius adjutus, injurias Cervi ulcisci possit ? cui respondit : Posse, frænum si recipiat Equus , & se conscendi patiantur ab armato. Annuente autem Equo , tantum absfuit, ut de Cervo speratas pœnas sumere licet, ut etiam ipse in servitute deinceps vivere cogeretur.

Fabula monet , ne cum ullo tam graves inimici- tias exerceamus , ut lædendi illius cupiditate , ma- lum etiam nobis non dubitemus accersere.

AQUILA, ET MONEDULA.

AQuilam rapientem Agnum conspicata Monedula, idem de Ariete facere conatur: sed in villis pecudis cùm ungułæ implicitæ essent, capta à pastore, & dono data filio fuit, qui illa in ludo pro Monedula postea, quæ sua opinione Aquilæ par fuerat, usus est.

Deterret fabula, ab affectandis iis rebus, quæ majores sint, quím ut nos assequi posse videamur.

CORNIX SUPERBIENS ALIARUM
avium pennis.

COrnicula collectas pennas de reliquis avibus sibi accommodaverat, & superba varietate illa, reliquias omnes præ se aviculas contemnebat: cùm forté Hirundo, notata sua pena, ad volans illam aufert: quo facto, & reliquæ postea aves quæque suam ademere Cornici: ita illa risum movit omnibus, furtivis nudata coloribus, *ut ait Horat. I. ep. 3.*

Significat fabula, commendatam speciem neque diu durare, & perlevi momento dissolvi.

STRUTHOCAMELV.

STruthocamelus, quem Latini passerem marinum dixerunt, avis in Africa est, pené bestia, bipes quidem illa, sed unguis similibus Cervorum. Eadem alas habet, sed supra terram non

non elevatur. Quodam igitur tempore , cùm bellum gravissimum esset inter volucres , & bestias, capta hæc à bestiis , ut avis, pro hoste habebatur. At illa pedes ostendens , num avis illis videretur , interrogabat. Itaque deceptis bestiis, tamquam civis , tuta apud illas fuit. Paulò pòst in prælio capta ab avibus , avem se esse alis , & rostro probavit ; ita & his imposuit.

Fabula notat eos , qui diversis inserviunt quasi dominis , & tam hos , quám illos frustrantur.

HIRUNDO.

HIRUNDO, ubi judicia fieri solebant , affixerat nidulum suum Hirundo : hujus pullos Anguis læsit. Tum illa : O conditionem miseram , inquit , cùm eo loco , ubi alii jus suum obtinent , mihi potissimum vis , & injuria allata fuit !

Fabula de iis dicitur, quibus specie bonitatis , & honestatis nocetur.

BOVES, ET LEO.

PAscebantur unà tres Boves opimi in maxima concordia : itaque facile ab omni incursione ferarum tuti erant, ac ne Leones quidem aggredi illos audebant. Tandem dissidio inter illos nato , & soluta amicitia , singuli validioribus bestiis direptioni , & prædæ fuere.

Fabula docet , tantum inesse mali in diffensione , quantum boni in concordia reperiatur.

DE AGRICOLA , ET CICONIA.

Inter Grues cepit Agricola & Ciconiam. Hæc deprecata ab illo vitam, non solim innocentem, sed etiam piam se, & hominibus prodesse commemorat. Nam & nostrum genus, inquit, venenatas bestias venatur, ac devorat, & effectos senecta parentes gestat, atque sublevat. Huic respondit Agricola: Credere se, vera esse omnia, quæ recensuerit, sed inter nocentes captam, eamdem oportere poenam sufferre, quam illos.

Fabula significat, similem quemque haberiiis, cum quibus consociatus, & inter quos deprehensus fuerit.

DE CANE , ET FRUSTO CARNIS.

Ferebat Canis secundum flumen decurrens raptum alicunde carnis frustum: cuius imago cum in aquis appareret, Canis avidus, illam, quasi alterum frustum undis innatans, appetit: sed dum pandit rictum, ut assumat, id, quod fenierat, amittit.

Fabula docet, avaritiam, & infinitas cupiditates detrimentofas esse.

ASINUS SALE ONUSTUS.

ASinus cum sale in urbem agitari solitus, cum fluvius in via transeundus esset, in illum forte quodam tempore decidit, & cum surgeret,